

մեր: Սա զգօրան Ալանաց եհար, զորդի ար-  
քային նոցա ըմբռնեաց, զղուստր արքային  
էառ ՚ի կնութիւնն և մեծ հարսանիք արար:  
Ապա և զեղբայր նորին ազատեաց և կա-  
ցոյց թագաւոր Պարսից յաթողի հօրն  
նորին, և երկու անգամ զգօրան Հռօմայե-  
ցւոց յաղթեալ հալածեաց յԱսորես-  
տանէ, և մահն և թաղումն՝ որ մեծ և  
շքեղ և երկեղի եղև. թագաւորեաց  
ամս ԻԿ:

Արտաւազդ՝ որդի Արտաշեսի յորս  
եկեալ և խելագարեալ անկաւ յերիվարէն  
ի խոր մի և անհետ կորեալ ՚ի ձորն, զի  
ոչ գտին զդի նորին. թագաւորեալ  
ամս Բ:

Տիրան՝ որդի Արտաշեսի ամս ԻԵ:  
Սա մտերմութեամբ կացեալ ընդ Հռօմա-  
յեցիս, և խաղաղութեամբ թագաւորեաց:  
Սա միայն որսոյ և զբօսանաց պարապե-  
ցաւ ՚ի կեանս իւր: